



## **Universitätsbibliothek Paderborn**

**Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

9. Hiltegardi calumnia facta, in calumniatorem refusa.

**urn:nbn:de:hbz:466:1-45699**

sæpius de stupro interpellavit. Cùm omnia tentasset, illaque Pustipharis vxorem, ille Iosephum strenuè egisset, tam constans in renuendo, quām illa impudens in prehensando; mœcha spe sua frustrata; amoreque in odium verso, furiosa mulier priuignum suum ad maritum detulit, mentita, sibi vim inferre voluisse. Non noluit feminam, quisquis feminæ temerè credit. Constantinus itaque & ipse muliebris ingenij immemor, vxori fidem adhibuit, atq; in filium suum, sola accusatione, nulla probatione reum, exarsit iracundia; neque ad defensionem admisit. Quare inauditum Pola in Histria interemit innocentem. Vicisti, Fausta, triumpha. jacer in sepulchro, qui noluit jacere in tuo thoro. sed non semper duravit tuus triumphus. Aliquot annis latuit innocentia, & fuit triumphata: verū tandem in lucem erupit, teque vicissim in triumphum duxit. Comperta enim falsissimæ accusationis causa, ac scelere vxoris deprehenso, Constantinus non minus serio, quām ferò dolens de præcipitata sententia, filioque in præmium castitatis imperfecto, Faustum docuit nequaquam fausta alite calumniam struxisse. Nam eam in ardentes balneas conjectam caloribus extinxit, quæ caloribus peccauit. Quare calumniosa Imperatrix lacum apernit, & effodit eum, & incidit in foueam, quam fecit, seu in quam priuignum præmisit, cuius innocentia calumniatricem post se traxit in ruinam.

## IX.

Caspar Bruschius in Chronologia monasteriorum Germanicæ, quin etiam Crusius, Frischlinus, Munsterus (quorum fidem tamen subleftam facit, non sine causa Raderus noster) de sanctissimi nominis femina memorie prodidit. Hildegardis ea est, Hildebrando Sueorum Duce, & Regarda heroina domo Bauarâ, nata, coniuge Caroli Magni, Anno Christi 783. defuncta: quam antiquissimus author Theganus beatissimam nominat, Chronicon Mindense & Andecense prænomine & titulo Sancta honorant. Bruschius de ea ita loquitur: Fundatrix sancta vocatur, non quod canonizata sit à Romanis Pontificibus, sed quod ab incunabulis Christi doctrinarum ac præceptiorum studiofissima, summo semper studio agrotos inniserit, & verbo Dei consolata sit; quod è partu laborantibus feminis Imperatrix etiam ad fuerit; quod omnibus pauperibus largissima eleemosynarum distributio ne opera

Psal. 7. 16.

ne opem summam tulerit. Cuius pietatis insigne & conspicuum hodie  
ad hoc est in Campidunensi monasterio indicum: ubi in eius memo-  
riam singulis septimanis bis, diebus videlicet Luna & Veneris, du-  
centi homines pauperes distributis panibus cibari, ac refocillari solent.  
Hæc talis Hildegardis nobilissimi religiosorum nobilium Mona-  
sterij Campidunensis Fundatrix fuit; vel quia grata esse voluit,  
quod ex humiliori statu ad supremū regia maiestatis fastigium ascende-  
rit, ut probabilius coniicit Raderus: vel ob ærumnas grauissimas,  
quas more aliorum Sanctorum exantlauit. Uta est, ipso Cruso te-  
ste, ad edificationem eius Monasterij, duobus ab urbe Constantiopolē  
statura & robore incomparabilibus gigantibus, Sancimone, & Celebran-  
do. Portabant ijsaxa humeris suis, ad nouam edificationem, tantum  
ambo in die praestantes, quantum alijs sedecim. Valde autem erant vora-  
res, ita ut hominibus admirationi, & risu effent: sicuti virtutis tempori-  
bus Hercules Buboivus cognominatus, quod totos tauros deuoraret. Ut  
autem Hildegardis templum monasterij huius, quod ædificauerat  
& amplissime fundauerat, etiam sacris Reliquijs locupletaret, Ro-  
mæ apud ipsum Pontificem sollicitauit. Ibi enim postquam nar-  
rauit Pontifici de cœnobio, quod condidisset in Illergouia; Cruso ipso,  
haeretico licet, teste; petiit sibi reliquias aliquot Sanctorum in id dari.  
Verum cum hic plus dare nollet, quam quantum ipsa minimo digeſto fu-  
ſinere posset, inuocauit illa beatam Mariam, oraret Filium suum, ut is  
roboraret digitum sua Hildegardis. Ita, robore diuinitus petito, cum  
omnium admiratione, paruo digito magnum pondus sustulit va-  
riarum reliquiarum. Hinc regina nomen auctum, ait Crusiſ,  
SANCTA & MAGNA Hildegardis. Post Papa iter ingrediens (Cardi-  
nalibus, Episcopis, Abbatibus 350 comitatus) una cum Imperatore Ca-  
rolo & Hildegarde Campidonum medio ferè Maio peruenit. Vbi Con-  
cursus hominum ad spectaculum dedicationis cœnobij undique factus.  
Huius Monasterij originem (quam narrare, non testari mens est)  
refert Bruschius ex antiquis Chronicis Campidunensis cœnobij  
in hunc modum. Incidit necessitas Carolo Magno belli aduersus  
Saxones fuscipendi. In absentia igitur sua Talandum matris suæ  
fratrem Vicarium constituit: cui & Imperij curas, & coniugem.  
Hildegardem etiam atque etiam commendauit. Qui fidelitatis atq;  
honestatis omnis oblitus, etiam tori vicarium acturus, non veri-  
tus est

cus est inhonestata petere ab Imperatrice. Sed qui Helenam quæ  
fuit, Lucretiam inuenit, immò Susannam. Neque enim tantæ  
virtutis femina aut maritum absentem, aut præsentem Deum vo-  
luit offendere fidelitatis pariter, ac pietatis memor. Desideratæ  
rei negatione magis accensus est insanus amor. Nec destitit iden-  
tidem fatigare precibus castam mulierem Talandus; quem metu-  
ens Imperatrix cœpit de astu, consueto feminarum clypeo, cogi-  
tare. Tandem igitur aliquando, quasi victa manus daret, ita ei re-  
spondit: Scis, quanti res periculi sit, quæ inter nos agitur; acum  
est de nobis, si palam fiat. Quare summopere caudendum est, ne  
resciatur. Tuum igitur erit, ut locum tutum, secretumque adi-  
ces, in quo conuenire possimus, omnibus arbitris remotis, reliqua  
me curare finito. Ille spe plenus, repente palatum insigne extrui  
curavit. Quo absoluto, penitiore aditum regio apparatu orna-  
uit, ad quem ex aula tribus ibatur portis; illuc duxit Imperatri-  
cem. Illa præuntem secura usque ad intimam conclavis ultimj  
januam. Eò ubi peruentum est, subito januam adduxit, diligen-  
terque fores obserauit: quin & custodes apposuit, à quibus ser-  
uaretur. Quo in carcere diu conclusum atque emaciatum, pro  
meritis castigauit. Ille fame, solitudine, & supplicij metu pæne  
exanimatus, quotidie ad Hildegardem misit, qui delicti veniam,  
gratiāque libertatis impetraret; nec tamen impetravit ante,  
quā fama esset, Cæsarem è Saxonia reuerti. Tunc enim, nimi-  
rum marito præsente, satis se tutam fore arbitrata Imperatrix, li-  
berum eum dimisit. Plerumque vertitur gratia malignis facta in  
maioris malitia occasionem. Hinc & Talandus carcere emis-  
sus, reduci Carolo obuiam profectus est. Quem cum saluta-  
ret, pallidus, & osleo ore, interrogauit Cæsar, quānam tam di-  
ri vultus tamque macilenti aspectus caussa esset? Perfidè, perfri-  
staque fronte respondit: Inuidissime Imperator, exhaustum ri-  
ribus & sanguine vides; & quid mirum si color fugit è genis?  
mirum est, quod vita remanserit, inter tot & tantas ærumnas.  
Domum tuam, immo totius Imperij gubernacula mihi commissi  
hinc discedens. Suscepi lubens; & operam omnem impendi, ne  
quid publicæ priuatæque utilitatis negligeretur. Pro quo labore,  
eam gratiam reportauit, ut à rebus gerendis remotus, & in custo-  
diam

diam datus, durissimèque habitus pñè enecarer fame. Quam erga tuli poenam tantò grauius sensi, quia innocens fui. Libenter tulisse, si meruissem. Cogitassem enim, à benefico Numinis breui me suppicio mitique plecti, vt æterno liberarer. Nunc autem ego lui, vt alteri licentius peccandi esset occasio, si custos removeretur. Iam diu expectauerat Carolus, quisnam huius esset audacie, intelligere, & iubebat Talandum nominare temeritatis authorem. Ille igitur, ducto ex imis præcordijs spirito, & oculis in calummissis, quasi superos testes aduocaret, Pudet, inquit, pigetque nominare authorem, ô Cæsar. Et hæc fatus, vocem pressit, quasi inuitus nominaret tanti sceleris reum. Mox tamen in hæc verba erupit. Quis alius hæc talia fatere potuisset, nisi Imperatrix? Illa, illa, ô Cæsar, me libero, amoribus ac libidini suæ tam liberè vacare non quiuisset. Ut ergo monitore, & freno cauteret; tam diu me in vincula coniecit, donec audiret, te redditum. De redditu tuo, vbi intellexit, carcerem aperuit, meque in libertatem restituit. Magnis viris, magna sunt iræ, quando offenduntur. Ita igitur, his auditis, exarsit Carolus, vt in palatio suo non diuerteret: enim uero, vt mandaret, moecham in proxime præterfluentem præcipitari. Quod vbi ad Imperatricem emanauit citius, fuga sibi mature consuluit, atque vulgo ignota, in gynæco cuiusdam satraparum Imperij, latitans vitam seruauit. Ibi tuta sibi videbatur. Sed quid est in hoc mundo tutum? Haud multò post accidit, vt Imperator, ex itinere, apud eundem satrapam intertingeret, repentinus hospes. Ibi Hildegardis, communimulierum curiositate, per fenestrām prospiciens, obseruabat aduenientes; sed & ipsa à Taldo obseruata, & Cæsari prodita est. Illico igitur ira vetus pñè sepulta reuixit. Quare subito impetu incalescens mandauit, vt ad filiam rapta oculis priuaretur ibique omni ope destituta relinquoretur feris laceranda. O fortuna quam mutabilis es! ô quam insatiabilis infelicitas! Iam se putabat Hildegardis asylium repperisse; jam in portu nauigabat; cum noui scelopoli offendebantur. Solus loci dominus, & mater familias ante nouerant, quam inter reliquas gynæcet nymphae hospitem alerent. Postea vbi agnitam, & ad tam miserabilem laicuam damnatam viderunt, non potuerunt satis eius calamitatē

Aaaa

tem de-

tem deplorare. Ipsa quoque quām diu oculos habuit , quibus lachrymas funderet, à fletu non cessauit. At nihil iram Zelotypi lachrymæ molliuerunt. Dicitur in siluam, ne alios quoquemoveat ad miserationem, si habeat carnificinæ suæ spectatores. Iamque arbori alligatur exoculanda , cùm rursus mirabili Numinis prouidentia, aurei velleris Eques Freidenbergensis genere superuenit ; isque à sorore Imperatricis Adelinda missus, qui eam sub cultro iam constitutam , è manibus lictorum eripuit. Ne verò id Imperatori innotesceret , canem illis obtulit , cui oculos eradicerent,, quos deferrent ad Cæsarem. Ita rursus pia ac innocens femina experta est fortunam fauentiorem , Carolo bona fraude decepto, nec quidquam inter caninos & humanos oculos discriminante. Hiltgardis etiam hoc periculo defuncta , inde Romam profecta est exultatum, fidissima sibi virgine Rosina de Bodman in comitem assumpta. Romæ, ne esset otiosa, aut nihil boni faceret, artem exercuit, à prima iuuentute traditam; ut scilicet salutares herbulas legeret, variasque inde conficeret medicinas. Nouerat enim omnium graminum & radicum vires, *Seminaq;*, & flora, & succos, per quos afflita valetudo reddit in vigorem. Arti ac peritiae Deus iunxit felicitatem. Plerisque quos curabat, sanabat. Et, si pauperes essent, sanabat gratis. Quibus rebus factum est, ut breui temporis spatio longè lateq; inclaresceret , neque jam Romæ dumtaxat, sed etiam passim alibi ars illius celebraretur; multique ad eam se deferri curarent, qui desperatis morbis affecti, ab alijs medicis auxilium nullum accipiebant. Interea nec defuit, diuinus oculus, qui de cælo respexit super filios hominum, & sicut Hiltgarden calumnias passam, morborum prosperè curandorum gloria extulit ; ita vicissim in impium calumniarum architectum Talandum animaduertit. Nam qui causa erat , ut Imperatrix pñè oculos suos perderet, ipse diuinitus perdidit usum oculorum, justissimâ poenâ talionis. Neque in oculis solùm infida est poena : totum præterea corpus illius fœdiissima lepra est perfusum. Itum est ad omnes medicos , tentata sunt remedia omnia. Nihil vel hominum ars, vel graminum natura profecerunt. Dum ubique inquiritur, fama crescit, Romæ esse feminam, velut nouam aliquam sæculi Medeam, quæ omnes nōrit mōrbos sanare. *Talandus,*

landus, desiderio sanitatis, siue bonis illa artibus, siue Thessalis  
 vtatur, statuit cum fratre Imperatore Romanum proficisci, atque  
 opem illius feminæ implorare, quæ nullum sine ope à se dimitte-  
 re ferebatur. Committit se viæ, & Romam appellit. Nec fuit  
 difficile, Romæ, illam reperire, quæ jam in toto orbe celebris ha-  
 bebatur. Quem postquam Hiltgardis de fenestra vidit, illico ag-  
 nonuit. Sed & caussam aduentus intellexit. Quid tunc eam face-  
 re jussisset affectus, nisi virtus naturæ imperasset? Scilicet ma-  
 lum malo addidisset, si fuisset ipsa mala. *In oculis suis lachrymatur Eccl. 12. 16.*  
*inimicus: & si inuenierit tempus, non satiabitur sanguine: & si incurre-*  
*rint tibi mala, innuenies eum illic priorem. In oculis suis lachrymatur*  
*inimicus, & quasi adiuuans suffodiet plantas tuas. At non talis fuit*  
*heroina illa. Incidit vrique illi in mentem: Hic est Talandus ille.*  
*Hic est ille impurus adulter, perfidus sollicitator, mendax calum-*  
*nator, qui famam, qui vitam meam ad extrema duxit. En ut,*  
*qui in causa fuit vt mihi oculi essent eradendi, ipse cæcitatem &*  
*nocte plenus, horribili scabie plenus est! En, vt mea ope indiger!*  
*Noui herbas, scio pharmaca, perspectam habeo vim lapidum qui*  
*sanare, qui cruciare possint. Non sanabo, cruciabo. Haud me*  
*videt cæcus; nec tot ærumnis mutatum vultum agnoscent, qui*  
*eum comitantur. Age anime, refrigera te, vindica tam grauera*  
*calumniam; & dolorem pro dolore repone. Hæc atque alia ta-*  
*lia suggestit vtique memor tam atrocium iniuriarum animus. Sed*  
*virtus eum subegit, & suasit meliora. Misit itaque ad eum Rosi-*  
*nam suam, jussitque primum caussam tollere morbi, postea qua-*  
*rere medicinam, de qua ipsa fit interim prospectura. Ne autem*  
*caussam ignoraret, ad sacerdotem eum ablegavit, cui peccata sua*  
*confiteretur, ob quæ vtique in hæc mala incidisset. Ille seu amo-*  
*re sanitatis, seu quòd ictus saperet, crimenque suum agnosceret,*  
*paruit. Confessione, poenitentiaque peracta, intra paucos dies,*  
*visum recuperauit, totoq; corpore mundatus est, cùm pariter &*  
*mentis & corporis sanie emaculasset. Pro miraculo ea res habita*  
*est. Et æquè Pontifex atque Imperator Carolus fæminæ peregrina*  
*na consilium auxiliumque admirati, eam ad se accersuerunt; eam*  
*autem ad palatium neutrius consentiens venire, respondit, poste-*  
*ro se die in D. Petri Ecclesia vtique locutaram. Aderat dies al-*

Aaaa 2

tertia

teria, aderat & Hiltgardis Rosina comitante. Venit & cum Pon-  
tifice Imperator. Magna est omnium expectatio mulierem pere-  
grinam tot mirorum patraticem videre cupientium. Sed omnia  
superauit expectationem, quod eam primo statim aspectu Caro-  
lus agnosceret, & tamquam Imperatricem coniugem salutaret.  
Agnita Hiltgardis & Pontifici, & marito omnem totius calum-  
niæ seriem denarravit, Deoque & grates, & laudes dixit, qui ele-  
ctos suos dedicit in via mirabili, & facit mirabilia magna. Neque  
discrimina dum taxat recensuit, quæ euaserat; sed etiam innocen-  
tiam suam, & Talandi calumniam detexit. Carolus veritatem  
edoctus, ingenti gaudio, illam in uxorem recepit, filiis quoque  
matrem Roma rediutorus. Mox deinde ira omni in Talandum  
conuersa, cogitauit, quibus eum supplicijs è medio tollendum  
mandaret. Sed ad clementiam ab incunabulis educata Hiltgar-  
dis, inimico suo capitali vitam impetravit. Haud tamen impe-  
trare potuit, quin in exilium, extra Imperij fines, relegaretur.  
Tum noua latitia, nouumque festum Romæ extitit, Pontifice eos  
denuo coniungente ac benedicente, & Carolo quidem *Magni*,  
Hiltgardi autem *Magna* nomen tribuente. Hæc vbi Romæ gesta  
sunt, reuersi in Germaniam, communī consensu, duo insignia  
pietatis monumenta exædificarunt, ad honorem Dei Matris ac  
Virginis: Hiltgardis quidem ex voto unum Campiduni, Carolus  
autem Magnus Aquisgrani alterum: quod utrumque voluerunt  
esse grati animi æternum testimonium; ob innocentiae ac veritatis  
antè oppressæ, nunc autem manifestatae victoriam & triumphum.  
Atque hæc verissima est utriusque ædificij sacri origo, teste Bru-  
schio.

## X.

Quod nun̄ ita sit, ego neque jurare volo, neque litigare. Nar-  
rata narro. Authores do, non fidem, quæ sit penes authores. Scio,  
esse, qui moneat, in asta Hiltgardis prodigiosa fabularum monstra,  
qualia nec Rhryx elim fabulator cogitauit, nec Phedro in mentem fue-  
runt, nec in Parnassa Ascreu somniauit, irrepsiſſe, & à quibusdam in  
historiam, tamquam certa legitimaq; recepta admissaq;. Ego hæc pro  
certis non vendo. Monstra tamen fabularum non agnosco, nec  
somnia, qualia Æſopus aut Phædrus somniauit. Non enim bestie  
in his gestis feruntur locutæ; sed talia narrantur, qualia passim  
alio